


續名醫類案

第十五



續名醫類案卷十五

錢塘魏之琇編集

海昌王士雄孟英
定州楊照藜素園

同校

汗

竇材治一人額上時時汗出乃腎氣虛也陽明熱則額上出汗常人多有此症未可卽斷爲腎虛也凡病虛實無不對待未可執一不治則成癆瘵先灸臍下百壯服金液丹而愈一人夜多虛汗亦腎氣虛也服全真丹黃芪建中湯而愈一人每日四五遍出汗炙關元穴亦不止乃房事後飲冷傷



脾氣復炙右命門百壯而愈。

常東軒挺晚苦陰汗有教之用牡蠣粉撲之者始雖少減久之至潰腐見其辜九焉豈非殺之以藥乎

志雅堂
襍抄

琇按陰汗必由下部濕熱而成以牡蠣收瀉之故鬱熱而潰爛也。

宋懷州知州李治與一武臣同官怪其年七十而輕健面如渥丹能飲食叩其術則服首烏丸也乃傳其方後治得病盛暑中半體無汗已二年竊自憂之造丸服至年餘汗遂淡體其治血治風之功大有補益方用赤白何首烏各半斤米泔浸三夜竹刀刮去皮切焙石臼搗爲末煉蜜丸梧



子大每空心溫酒下五十丸亦可末服

本草綱目

滑伯仁治一人暑月病身冷自汗口乾煩躁坐臥欲于坵水中脈浮而數按之豁然空散曰脈至而從按之不鼓諸陽皆然此爲陰甚格陽得之飲食生冷坐臥當風所致以真武湯

附此茯苓

冷飲一進汗止再進躁去三飲而安

琇按江案暑門滑治一人汗出如雨身熱煩躁醫悞用此附乃以黃連人參白虎三進愈之宜參看

薛立齋治一婦盜汗不止遂致廢寢神思疲甚口乾引飲作血虛有熱用當歸補血湯代茶炙芪一兩當歸三錢又以六黃湯加人參五味子二劑而愈

陳三農治一人感寒用麻黃發汗汗遂不止用建中湯汗出

愈多痰喘有聲此傷寒損血兼用藥之過陰虛而陽無所

附遂用川芎三分白芍生地各二錢當歸一錢

雄按芍歸尚有可議

元胡索香附各三分再服而愈

四物是矣加香附元胡是所不解

一少年人汗出三年不愈用棉子炒黑入湯一滾服四五日

脚腿能立後以歸脾補中等湯而安

楊乘六治朱氏子年二十外勞倦發熱上半身自汗如雨三

晝夜不止一切歛汗方法無效脈之浮細沉洪軟弱無力

面白無神舌胖而軟且白滑意此必肺氣大虛而腠理不

固也以黃芪湯加五味附子各二錢自子至卯連進三劑

其汗如故。思之良久。乃用蜜炙黃芪二兩。人參五錢。白朮

一兩。蜜炙升麻。柴胡。陳皮各一錢。上半身有汗。下半身無

汗。明是陽氣不能內歛。琇按柴胡升麻究竟無謂歸身。炙草。炒黑乾薑

各二錢。白芍五錢。附子各三錢。大棗五枚。一劑而歛。此症

本以勞力傷其脾肺。中藏之陽陷而不升。衛外之陽虛而

不固。以致陰氣不肯下降。乘虛外溢。故特用升麻以升提

下陷之氣。用黑薑以收固衛外之陽。使在外而爲陰之衛

在內。而爲陽之守。後用清金滋水等劑而愈。

薛立齋治一婦人。盜汗自汗。遍身痠疼。五心發熱。夜間益甚。

或咳嗽咽乾。月經兩三月一至。用加味逍遙散六味地黃

九兼服臨臥又服陳朮丸

陳皮白荒

三月餘諸症悉愈其經乃

兩月一至又服兩月而痊

一婦人患前症食少倦怠肌肉消瘦日晡發熱至夜益甚月

水過期漸至不通

猶奪汗者無血也

時發渴燥

汗多而誤用通經

津液涸

之劑熱倦愈重飲食愈少乃用八珍加升麻丹皮山梔柴

胡治之熱漸退又用八珍丹皮軟柴胡調理而愈

羅謙甫曰齊大兄因感寒邪頭項強身體痛自用酒服靈砂

丹四五粒遂大汗出汗後身輕至夜前病復發以前藥復

汗其病不愈復以通聖散發汗病添身體沉重足脛冷而

惡寒是日方命醫醫者不究前治又以五積散汗之翌日



身重如石不能反側足脰如冰冷及腰背頭汗如貫珠出而不流心胸躁熱煩亂不安喜飲西瓜梨柿冰水之物常置左右病至於此命診之六脈如蛛絲微微欲絕乃以死決之主家曰得汗多矣焉能爲害曰夫寒邪中人者陽氣不足之所致也而感之有輕重治之豈可失其宜哉仲景云陰盛陽虛汗之則愈汗者助陽退陰之意也且寒邪不能自汗必待陽氣泄乃能出也今以時月論之大法夏月宜汗然亦以太過爲戒況冬三月閉藏之時無擾乎陽無泄皮膚使氣亟奪爲養藏之道也逆之則少陰不藏此冬氣之應也凡有觸冒宜微汗之以平爲期邪退乃已急當

衣煖衣。居密室服實表補衛氣之劑。雖有寒邪勿能爲害。此從權之治也。今非其時而發其汗。乃謂之逆。仲景有云。一逆尙引日。再逆促命期。今本傷而并汗。汗而復傷。傷而復汗。汗出數四。使氣亟奪。衛氣無守。陽泄于外。陰乘于內。故經云。獨陽不生。獨陰不長。不死何待。雖盧扁不能治活也。是日至夜將半。項強身體不仁。手足搐急。爪甲青而死矣。金匱要畧云。不當汗而妄汗之。奪其津液。枯槁而死。今當汗之症一過中。亦絕其命。況不當汗而強汗者乎。

華陀傳。縣吏尹世苦四肢煩。口中乾。不欲聞人聲。小便不利。陀曰。試作熱食。得汗則愈。不汗後三日死。卽作熱食而不

汗出陀曰藏氣已絕于內當啼泣而絕果如陀言

此亦藏氣傷燥

之病

三國志

馬元儀治沈康生夫人病經一月兩脈浮虛自汗惡風此衛虛而陽弱也與黃芪建中湯一劑汗遂止夫人身之表衛氣主之凡所以溫分肉實腠理司開闔者皆此衛氣之用故內經曰陽者衛外而爲固也今衛氣一虛則分肉不溫腠理不密周身毛竅有開無闔由是風之外入汗之內出其孰從而拒之故用黃芪建中湯以建立中氣而溫衛實表也越一日病者又手自冒心間脈之虛濡特甚此汗出過多而心陽受傷也仲景云發汗過多病人又手自冒心



中國醫藥大學圖書館版

心下悸者。桂枝甘草湯主之。與一劑良已。

丁庠生頭汗。火升食少。心悸恍惚不甯。或議用滋陰脈之。兩寸獨鼓。兩關尺虛。微少神。此脾腎交虧。真陽欲脫之候也。與人參桂附理中湯。大培火土。以復虛陽。彼以生平不任熱劑爲辭。曰。若謂頭汗火升。爲火邪上熾耶。不知此乃真氣上越也。且謂心悸恍惚。爲陰氣內虧耶。不知此乃真元無主也。遂與人參四錢。白朮五錢。附子肉桂各三錢。乾姜二錢。炙草一錢。連進四劑。脈始和。症始退。再溫養元氣一月而安。

羅謙甫治刑部侍郎王立甫之壻。年二十五。仲冬因勞役憂

思煩惱。飲食失節而病時發。躁熱肢體困倦盜汗濕透其
衾。不思飲食。氣不足以息。面色青黃不澤。診其脈浮數而
短。澀兩寸極小。曰此危症也。治雖粗安。春至必死。當令親
家知之。夫人不以爲然。遂易醫。至正月。躁熱而卒。他日王
謂羅曰。吾壻果如君言。願聞其理。曰此非難知也。內經曰
主勝逆。客勝從。天之道也。蓋時令爲客。人身爲主。冬三月
人皆懼寒。獨渠躁熱盜汗。是令不固其陽。時不勝其熱。天
地時令。尙不能制。藥何能爲。冬乃閉藏之月。陽氣當伏于
九泉之下。至春發爲雷。動爲風。鼓折萬物。此奉生之道也。
如冬藏不固。春生不茂。爲疫癘之災。且人身陽氣亦當潛

伏于內。不敢妄擾。無泄皮膚。使氣亟奪。此冬藏之應也。令
垢汗出于閉藏之月。腎水已涸。至春何以生水。陽氣內絕。
無所滋榮。不死何待。乃嘆息而去。

施笠澤治一人。服參芪數日後。每將昏反發熱。至夜得盜汗。
而解曰。此陰虛不能勝其陽也。參芪雖能補陽助陰。而陰
血未易驟生。乃用六味丸料。加參歸陳皮。一劑而熱退汗
止。後以六味丸參苓白朮散全愈。

庠友張君牙患寒熱。咸作瘧治。服解表之劑。乃盜汗潮熱。肢
節頸項強痛。夜臥則汗出如沐。濕透重衾。二旬餘。目不交
睫。診得左寸微細欲絕。右尺浮大無力。此汗多亡陽症也。

與加味歸脾湯不效。自加麥冬。更服二劑。胸膈滿悶。飲食不進。遂疑參朮不可服。一僧欲進大劑苦參湯。施曰。診法陰盛陽衰者。不可以柔藥。柔藥助陰。陽氣衰弱。陰氣益著。實實虛虛之禍。其能免乎。今君相二火俱虧。非急進歸脾湯。加桂心五味不可。豈前藥有陳腐或炮製失宜耶。今取藥一劑。是夜即安。汗亦漸止。間進八味丸。一月而愈。

庠生施爾祁病脈之曰。陰虛火動也。病使人發熱盜汗。肢節作楚。正合丹溪滋陰降火之劑。服三日後。服虎潛丸。病全愈。所以知爾祁之病者。切其脈虛而數。經云。血虛脈虛。腎水之真陰不足。而虛火妄動也。先是一醫謂是歷節風。飲

以風劑。卽肢節浮腫。痿弱不能行。汗出如淋。經云足受血而能步。又云奪血者無汗。奪汗者無血。蓋風能生火。又能耗血。血虛則內熱益甚。肢熱則腫。肺熱則痿矣。

錢國賓治荊州李山人。年四十餘。凡飲食頭上汗多。氣如烟霧。必頻抹乃止。寸關浮洪。兩尺沉實。胃脈倍盛。而數此胃熱蒸籠頭也。飲食入胃。遇熱上薰心肺。心主汗液。火性上騰。肺主皮毛。腠理不密。故頭汗出。若蒸籠之氣。因煎迫而如烟霧也。以三黃石膏湯數劑。清胃熱愈。

魏玉橫曰。詹渭豐母。年六旬外。素有肝病。因患瘧。自五月至九月。瘧愈而他症蜂起。自汗如洗。徹夜不眠。食少便溏。脇

痛齒痛口淡惡心惡風畏寒頭頂皮帽身襲皮衣重幃夾
帳猶慄慄不勝診時以止汗爲嚆脈之弦小急知爲陰虛
火盛瘧邪未清誤作陽虛多與補氣歛汗之劑而然即之
果服歸脾五味子麻黃節浮麥龍骨甚夥乃與生地杞子
地骨釵斛首烏鱉甲黃連萸仁渭豐曰諸醫咸謂頭爲諸
陽之首惡寒若此又自汗而喜熱飲明屬陽虛今方中唯
與養陰又口淡便瘧惡心皆屬脾胃虛寒黃連萸仁安可
用至瘧疾已愈何必用首烏鱉甲再所重在汗多而又全
不治汗其故何也曰此症乃火鬱之極內眞熱而外假寒
也瘧本胆肺之邪因肝虛而肺傳臟故寒熱止而變爲諸

症故以生地杞子地骨釵斛養肝治其本黃連清伏暑。蔓
仁散鬱熱以治標。首烏鱉甲入肝而去瘡邪。蓋肝火熾盛
逆胃胃絡上蒸則爲汗。下迫則爲瀉。若見汗則收斂見瀉
則固滯一藥肆人足矣。醫云乎哉。如方服之數劑而愈。

何某年七旬矣。偶于冬間苦盜汗。乃水衰肝火內熾。當閉藏
之候。反蒸鬱而爲汗也。或教以黃芪黃黑棗服之。四五日
汗果止。而欬嗽作。或以爲傷風。與前胡桔梗杏仁蘇子秦
芫防風之類。或以爲痰火。與二陳姜汁竹瀝。或以爲血虛。